

*Mela-oadju dorvvasta  
du buresbirgejumi*



Eanadoallofitnodaolbmuid ealáhatlágádus (Mela) dikšu eanadoallofitnodatolbmuid ja veahkkeruhtaoažžuid lágasmearriduvvon ealáhat- ja bárteoajuid. Mela áššehassan leat leamaš juo sullii njealljelot jagi buot Suomas ássi eanadoallit, guolásteaddjit, boazodoallit ja vuovdeeaiggádat. Diehtaga ja dáidaga veahkkeruhtaoažžut bohte Mela áššehassan jagi 2009 álggus.

### ***Máŋggabealat dorvu***

Mela fállá iežas áššehasaide máŋggabealat dorvvu ja buresbirgejumi buot eallindiliin. Bargoahkásaš olbmo oadjodorvun leat buohcanbeaiveruhta ja MYEL-ealáhatodjui automáhtalaččat gullevaš bargobárteoadju. Bargobárteoaju oktavuhtii lea vejolaš laktit oaju astoáiggebártiid várás.




Bargonávccaidis massán olmmoš sáhtá beassat bargonávccahis-  
vuodaealáhahkii. Veajuiduhttima bokte geahččalit buoridit eanadoallofit-  
nodatolbmuid ja veahkkeruhtaoažžuid vejolašvuodaid joatkit iežaset  
ovddeš bargguin dahje skuvlehit iežaset odđa ámmáhii.

Go oajuhuvvon olmmoš lahkonišgohtá ealáhatagi, de son sáhtá oaž-  
žugoahit oasseáigealáhaga. Boarivuodaealáhahkii sáhtá báhcit, go  
lea deavdán 63–68 jagi. Go oajuhuvvon olmmoš jápmá, de su leaskkas ja  
mánáin lea vuoigatvuotta bearašealáhahkii ja joavkoheaggaoadjobuhta-  
dussii.

Jos fitnodatolmmoš heaitá loahpalaččat bargamis eanadoaluin dah-  
je boazodoaluin, de son sáhtá oažžut luohpandoarjaga juo ovdal boa-





A blue fishing boat is shown from a side-rear perspective on a body of water. A person in a light-colored shirt stands on the deck near the cabin. The sky is filled with numerous seagulls in flight. The water is dark blue with some whitecaps.

risvuodaéaláhatagi. Luohpandoarjaga ulbmilin lea ovddidit eanadáluid buolvadatmolsumiid ja šaddadit fitnodatsturredaga.

Eanadoalloluopmosadjásašvuotta lasiha eanadoalliid buresbirgejumi. Mela vástida riikkadásis eanadoalliid luopmosadjásašvuodaáálvalusaid ollašuhhtimis. Geavadis luopmosadjásašvuodaáálvalusain fuolahit gieldaid báikkálašovttadagat.

Eanadoalliid bargodearvvasvuodaáfuolahus doaimá fitnodatolbmuid doarjjan ja veahkeha eanadoalliid bajásdoallat iežaset dearvvasvuoda ja bargonávccaid. Dasa lassin Mela dieđiha ja oahpista eanadollui guoskevaš bargodorvvolašvuodaáššiin.

## ***Oadjováldin lea lágas mearriduvvon***

Eanadoallofitnodatolbmo ealáhatoadju (MYEL) lea bákkolaš dasa, guhte deavdá oaju eavttuid. Jos oadjoeavttut eai dieva, de oaju sáhtttá váldit eakto-dáhtolažžan.

MYEL-oajuhuvvon eanadoallofitnodatolbmot leat sullii 73 000 ja veahkkeruhtaoažžut fas sullii 4 000. MYEL-oaju ožžot badjel 142 000 olbmo.

MYEL-oadju vuodđuduvvá bargodietnasiidda, maid mearrái eanadoallit sáhttet ieža váikkuhit. Eanadoalliid bargodietnasat mearrašuvvet eanaš šaddaduvvon eanadoalloeatnama ja vuovddi viidodaga mielde. Guolásteaddjiid ja boazodoalliid bargodietnasiidda váikkuhit bargojuvvon bargu mearri ja boazodoalliin dasa lassin boazolohku. Veahkkeruhtaoažžuid bargodietnasat vuodđuduvvet Suomas fidnejuvvon veahkkeruđa sturrodahkii.



## ***Mela***

Mela doaibmasuorgi, hálldahus ja ruhtadeapmi leat lágas mearriduvvon. Doaimma dáfus Mela lea goittotge oadjolágádus. Dan hálldahus čohkiida oajuhuvvon olbmuid ja stáhta ovddasteaddjiin.

Mela bokte johtet jahkásaččat badjel miljárdda euro ovddas oajuhuvvon olbmuid ja ealáhatolbmuid ovddut. Stáhta ruhtadanossodat lea sullii guokte goalmádasa Mela máksin ovdduin. Oadjomávssut, mat berrojuvvojit oajuhuvvon olmuin, gokčēt Mela ovdduin sullii vičadasa. Eanadoallosadjásašvuodagoluid stáhta buhtte ollásit.





## ***Áššehasbálvalus***

Mela doaibmadállu lea Espoo Tapiolas. Dálonguovllus áššehasbálvalusas fuolahit Mela-áššealbmát, geaidda sáhtta dorvvastit buot Mela-dorvui guoskevaš áššiin. Áššealmmái bálvala nuvttá. Melas barget oktiibuot sulii 210 olbmo.

Telefonbálvalusa ja áššealmmáidoaimma lassin áššehasat sáhttet fuolahit iežaset Mela-dorvvus interneahtha bokte. Elektrovnnalaš áššehasbálvalusaid geavaheapmi lea lassánan johtilit.





**Mela**

Eanadoallofitnodatolbmuid ealáhattágáduš  
Revontulenpuisto 2, 02100 Espoo  
tel. 029 435 11, [www.mela.fi](http://www.mela.fi)